

列女志

節孝

節烈

貞烈

賢淑

天地之正氣鍾於男子則爲義士爲名賢鍾於婦人則爲貞女爲節婦其操可貫金石其事可泣鬼神而其心則百折不回生死不渝又奚計後之旌表否哉然聽其湮沒弗彰則非守土者之咎而誰之咎安澤自明迄今以節烈著者不下數百人茲旣廣咨博訪登諸簡冊後之人將指其名而識之曰某也節某也烈某也賢淑雖死之日猶生之年所以闡幽光

安澤縣志

卷十二 列女

於不朽表貞節於來茲者全賴此實錄云爾志列女

節孝

明

維摩州知州李夢辰之母揚氏夫早喪氏青年守節白首完貞撫子五人官顯秩遊鬻序皆氏教也以子貴封安人壽七十有八歲

鳳陽檢校趙瑛之繼妻郁氏鳳陽府人瑛離任時娶之生子廷伋氏聰明知書守節訓子備歷苦辛後廷伋顯達氏不祿矣故廷伋祭氏祭文中有自中都以至安澤跋涉四千餘里孀居四十餘年之句皆紀實也

神武衛經歷任可敬妻李氏子二夫歿氏痛不欲生繼念藐孤

安澤縣志

卷十二 節孝

二

無依嘗含悲教育以慈代嚴諸孤卒以成立長大民知南江縣次生民歲貢生

城武縣知縣石應輔之母任氏二十九歲而寡守節撫孤歷四十年

拔貢張朝儀妻王氏子二曰誥曰謨皆明經氏矢志撫孤備極艱卒邑令額其門曰節比松筠

廩生趙國鼎妻陰氏年二十八歲夫亡遺子科甫三歲氏早夜勤劬撫孤成立雖顛沛流離操守不改後科入庠爲名諸生楊洪妻喬氏年十八夫亡立志守節杜門不出歷四十年人罕識其面撫子成立有司旌之

趙鵬妻王氏早喪夫遺孤趙錦甫二歲氏矢志撫幼始終不渝
劉鏜妻趙氏夫歿遺孤大剛氏茹苦含辛撫子成立婚娶後大
剛又亡遺孫邦仕邦劍氏親教誨皆入庠院道屢旌其門
黃袍妻郭氏年二十四歲夫歿生女三無子適寇亂僑居於外
甥趙國璘家四十五年未嘗履外闕鄉人賢之

庠生張登鵬妻王氏年二十歲夫歿遺孤朝經尙未及週氏茹
荼飲孽撫子入庠

李茂林妻梁氏食貧勵節訓子有方子敏舉明經

李廷棟妻王氏紡績育子允稱苦節後子孫並食餼邑令旌其
門曰丸熊畫荻

安澤縣志

卷十二 節孝

三

任尊榮妻趙氏事繼姑以孝聞弱姪無依氏撫之雖艱苦備嘗
沒齒無怨子二長宜祖諸生次宜宗食餼

生員王天宏妻段氏青年喪偶誓不再醮戚友欲爲之請旌氏
辭曰守節婦人分內事旌何爲哉比卒鄰里婦女莫不流涕
清

生員李生瑞妻韓氏年二十四歲夫亡守節四十年邑令旌其
門曰柏舟繼美子李延諸生

生員趙楣妻陰氏落葉添薪篝燈讀書苦節四十餘年壽八十
四歲子邦慶廩生

段執圭妻李氏冰操玉潔五十三載學臣旌其門曰志潔庭讓

張文斗妻劉氏二十二歲守節撫子育孫俱入庠學臣旌其門
曰苦節丸熊

張應奇妻陳氏真心苦節歷久不渝壽百歲卒鄉里賢之孫宏
猷廩生

羅世英妻吳氏二十三歲夫歿守節事姑撫子成立邑令旌其
門曰夫孝堪欽

孝子趙柟妻王氏年十九歲夫歿苦節四十五年卒年六十有
四子邦鈞諸生

石大章妻李氏二十一歲夫故守節撫子三十四年卒年五十
有五子懷玉懷璽皆諸生

安澤縣志

卷十二 節孝

四

生員趙邦懷妻孫氏二十四歲夫沒苦節三十六年卒年六十
歲

劉萬全妻趙氏夫沒子甫彌月氏誓以身殉因翁老子幼姑多
疾遂矢志守貞苦節四十三年

張愷妻趙氏二十六歲夫沒子二繩道纘道氏教以義方及病
篤戒曰汝曹當行善事勿狎羣小貽先人羞吾死瞑目矣里
黨欽重之

李一元妻孟氏于歸後事翁姑以孝聞夫沒撫孤守節心力俱
瘁苦節四十二年

楊續良妻劉氏南坡人其村多虎患甫于歸翁楊全倚門而立

虎突至噬翁翁驚仆衆皆無策氏豔妝未卸持梃逐之救翁歸家孝婦之名遂著夫沒後訓子極嚴冰霜之操四十年如一日至今鄉里猶能道其事焉

張進學妻任氏夫沒時姑已逝翁又年老子文魁甫十一歲氏仰事俯育兩無遺憾

孟正敬妻毛氏夫勤於耕積勞成疾臥牀七日不起氏痛絕飲食欲從泉壤子甫七歲親鄰婉勸乃矢志守孤延師課讀約束極嚴孟母遺風於茲未墜

邱會元妻王氏二十二歲故撫孤守貞苦節四十九年

邱秉乾妻劉氏孝事舅姑朝夕不倦夫故家漸薄氏苦節自守

安澤縣志

卷十二 節孝

五

歷窮困而操守如一巾幗中卓卓者

李敏中妻孫氏于歸時前子甫七歲愛如己出夫亡止一女氏育蠶紡績終不改操子景聖成立爲完婚不數載又卒姑媳相依一門貞孝閭里稱頌焉

李景聖妻陳氏夫沒生子甫彌月孀姑抱喪明之痛氏上待下撫備歷艱辛其姑孫氏守節四十餘載賴氏奉養得享大年閭里榮之

邢鑒銘妻呂氏五馬村人奉孀姑以敬夫歿事益謹心同金石節勵冰霜言笑不苟端方自持鄉里稱之

李起榮妻宋氏以孝稱於鄉夫故哀毀雖深而奉不倦無子繼

以姪愛如己出守貞恤子婦職無愧

宋寶亮妻邢氏本城人孝孀姑和妯娌理家勤儉爲諸婦倡夫歿撫孤自守子銘職州同孫忻入泮邑令王熾表其門曰懷清高節

孟盛年妻劉氏本城人事翁姑盡婦職夫歿遺孤八歲日勤訓誨紡績度日備歷艱辛乾隆甲寅子善養以武衿魁於鄉嘉慶辛酉週甲親族拜祝表其門曰巾幗完人

左時俊妻段氏上治村人姑多疾奉待無懈姑歿哀痛逾恆夫故矢志守孤教有義方子世珍由庠生舉明經

任學易妻楊氏理家勤儉夫耕婦織相敬如賓夫歿哀毀盡禮

安澤縣志

卷十二 節孝

六

撫孤成立婦道無忝

李天寵妻楊氏下多穀人孀居時長子次子皆十餘歲三子在襁褓伯兄兩門俱乏嗣氏即命次子三子承繼訓誨不倦俱成立家譜贊其有孟母風

任步瀛妻郭氏本城人于歸後孀姑年老多疾氏侍湯藥無倦容夫歿矢志守節撫孤皆成立雖年臻髦耄未嘗履閫外人咸欽之

庠生趙凱妻劉氏安民堡人奉翁姑曲體親心夫歿矢志守貞不事膏沐薄田數畝僅足餬口克勤克儉經營備至漸臻小康教二子俱成立長占鼇庠生次登鼇食餼孫賡揚任甯鄉

縣訓導嘉慶十一年學使陳旌其門曰松心竹節

李神化妻栗氏事孀姑盡婦職姑疾侍湯藥衣不解帶者數月夫歿荼苦自甘訓子撫孫俱成立苦節五十一歲

張文亮妻宋氏性誠慤少文飾親歿哀痛備至夫故自誓守貞日甘澹泊訓諸孤有義方理家勤儉孫曾繞膝兼享大年

李麟書妻趙氏性和平事翁姑無失禮走歿柏舟矢志子年幼訓誨不倦篝燈課讀有丸熊風

石永貴妻張氏奉翁姑無失禮夫歿不出戶庭清操自勵訓遺孤無溺愛閨閣中矚然自濯者

陳大康妻張氏本城人奉翁姑順親心夫歿奉事益篤翁姑歿

安澤縣志

卷十二 列女

節孝

七

哀毀盡禮成寡時長子永慶九歲次子永治五齡氏守節撫孤朝夕訓誨長職從九次入泮孫繼先附貢皆氏義方所致云

任居午妻李氏本城人事雙親能養親疾侍湯藥竭立承勸夫歿不事膏沐矢志撫孤始終如一

孔廣祿妻 氏時夫歿氏年十八歲子兆誥教以義方嘗誨之曰富貴易驕貧賤易諂能於貧賤中立氣節方可爲人聞者歎服

孫復元妻宋氏孫寨人夫歿誓欲身殉以翁老姑又患癱疾遂矢志守貞侍飲食湯藥無稍缺姑臨終語人曰余病所以能

延十餘年者賴有氏也無子以胞姪佳林嗣

庠生孫鴻詔妻劉氏孫寨人性和平敦樸素夫歿事翁姑益孝有叔三人爲畢婚家政無鉅細身皆任之叔有愛女視如己出家咸以婦爲矜式云

增生薛鍾靈之笱室劉氏古縣人事翁姑以孝聞夫疾親侍湯藥者數載從無愠色厭聲夫歿撫子德薄成立食餼不幸德薄中年殂謝遺孫鎔甫六歲氏與媳成氏兩世孀居同誓撫孤鎔由廩生膺光緒乙卯恩貢生氏年七十有六而卒身歷五世艱苦備嘗里人稱賢孝焉

拔貢薛德洋妻孫氏古縣人夫歿氏治家有道訓子有方堅貞之節可貫金石子二曰鈞曰鎬鈞食餼有詩名鎬入邑庠人以爲教授有自云

廩生薛德薄妻成氏古縣人同庶母孀居矢志守節孝慈兼備艱難與共

宋寶義妻呂氏本城人適義未三載而寡家貧殯殮無具氏百計經營克全大事厥後鍼黹度日時或饗殮不繼泊如也苦節三十八年終不以貧苦易其志

張聰妻衛氏奉養得姑歡姑疾藥必親嘗無稍懈夫歿守貞撫孤苦節三十五年

喬尚德妻李氏本城人家貧夫歿時二子俱幼氏鍼黹餬口撫

孤成立苦節四十六年

孔昭訓妻趙氏喬嶽堡人事姑曲盡婦職姑歿哀毀成禮夫病侍湯藥衣不解帶者數月歿後矢志守貞無子以胞姪憲玉繼愛如己出而督責倍於嚴師

黃憲中妻常氏亢驛人秉性賢孝矢志堅貞夫歿時氏年二十四歲持家勤儉撫孤成立子二次步蟾入邑庠鄉里咸稱頌焉

孟兆魁妻樊氏多穀人素嫻姆訓不尚浮華成寡後立志彌堅無子繼以姪視如己出閭里咸稱其節孝兩全云

拔貢賈崇德妻李氏古縣人事雙親極勤慎相夫敬常勉以學夫疾侍藥餌無少倦夫歿矢志撫孤雖境遇艱難而訓子必以詩書俾諸孤得成立

安澤縣志

卷十二 列女

節孝

九

段維直妻弓氏高莊人議叙都司段爾魁之母也維直病且篤謂氏曰以老母稚子累汝氏泣涕受命比歿念姑老嗚咽不敢出聲教子嚴而有方俾孤成立以子貴誥封太宜人同治間公舉節孝奉旨達立節孝坊邑令張容安爲撰之文紀其事

庠生宋廷英妻趙氏張家溝人素行端莊不務華飾夫歿矢志守節奉翁姑無失禮翁姑歿喪葬皆氏經理訓雙孤有方長子瑀入泮次子楨食餼學使黃鈺給眞孝貽徽扁以光門閭

李闌妻王氏夫歿逾月生子矢志守節仰事俯育孝慈兼盡母家因其年幼成寡欲奪其志氏不歸省者五載後子成立人咸謂鐵骨錚錚婦德無愧

生員任居魁妻師氏賈會人謹守閨訓克明大義事翁姑能孝夫歿衣縞素者終身子景芳廩貢生

任景儒妻楊氏賈會人夫歿矢志守貞四十餘年未嘗有歡容子秉純職州同例封太安人旌匾曰彤管著美

黨根榮妻李氏北平人夫素多疾于歸後侍奉無間夫故冰霜勵節無子以堂姪居仁嗣

王正魁妻邢氏奉翁姑先意承志夫歿哀痛逾恆苦節五十餘

安澤縣志

卷十二 列女

節孝

十

年孫錦繡庠生

李和書妻段氏奉翁姑善體親心翁姑歿夫繼逝氏號泣之餘欲以身殉因孤子弱女無人撫恤含涕守貞四十餘年

常希堯妻蒲氏石渠人年二十九歲夫故貧無資糟糠自勵雖饑殮不繼從不乞借於人卽同院之妯娌叔嫂亦不妄求升合焉洵可謂苦節自貞者

賀名申妻趙氏夫故翁姑痛子情切旋即謝世家貧子女俱幼一切葬祭皆氏經理紡績耕耘撫孤延嗣賀氏門楣賴以不墜

張舒錦妻李氏夫歿遺子大銘甫二歲氏紡績度日子成婚不

數載亦棄世孫幼姑媳痛不欲生顧念呱呱者誰撫於是竭力顧復備極勤劬嫠婦孀姑形影相弔撫孫育子苦節四十餘年

張大銘妻邢氏事孀姑朝夕相依歷久彌篤子長貴成立一門雙節兩世同心

任景賢妻李氏賈會人事親無怠志翁姑歿喪祭盡禮夫故柏舟自矢無子以堂姪全福嗣

邢傑妻趙氏五馬村人事親情文備至夫歿子相繼逝氏痛夫傷子堅貞自矢年週花甲而子然一身人生苦節孰甚於斯張毓明妻董氏五馬人奉翁姑知養志凡親喜食者敬進之夫

安澤縣志

卷十二 列女

節孝

十一

故哀毀雖切不形於色恐親過痛也訓子不事姑息是誠鬚眉所難不意得之巾幗

楊國鈞妻師氏南坡村人夫歿杜門不出樸素自甘事繼姑以孝聞姑患骹疾臥牀不起者數年氏侍藥餌日夜不懈成寡時子甫三歲撫育成立苦節四十三年

孟兆槐妻陳氏多穀人事翁姑孝敬兼至夫歿以三子俱未成立號泣之餘日勤訓誨三子俱入泮皆氏義方所致云

邸連元妻劉氏下治人生性嚴勵寡笑言事翁姑寓和順於孝敬中夫歿訓子極嚴年逾古稀孫曾繞膝孝慈兼盡節壽雙

高

張名超妻胡氏秉性賢淑善事翁姑年二十二歲夫故樸素自甘撫孤成立苦節四十二年

庠生王名揚妻李氏本城人事翁姑得勸心夫歿欲以身殉繼思承祧無人恐絕夫嗣遂矢志守節以胞姪王德繼教養兼至德由營員署河保營參將誥封氏爲太安人一綫之延賴以不絕

席珍妻石氏本城人事翁姑盡孝家貧夫耕婦織勤勞度日無子以胞姪靈淵繼訓誨成立入邑泮厥後氏舉一子名應運未幾夫故氏矢志守貞撫孤訓子鄉人賢之

趙命瀾妻宋氏本城人端莊靜一奉雙親無少違夫歿茹荼飲

安澤縣志

卷十二 列女

節孝

十二

藥立志撫孤苦節三十八年

宋寶善妻韓氏本城人性貞靜事舅姑以孝聞夫歿矢志守貞始終如一玉節冰操閭里稱頌

生員王庚辛妻趙氏本城人奉翁姑無缺禮翁染疾姑老夫遊學於外氏奉湯藥衣不解帶者百餘日翁卒氏事姑愈謹姑疾刺血告天以祈姑壽姑歿夫相繼棄世連遭大喪哀痛幾絕揮淚盡禮誓不二天撫二子長汝翼次汝翮俱成立光緒年間翮保舉七品銜鄉里榮之

宋寶典妻趙氏本城人幽間貞靜無忝婦職夫歿痛哭三日飲食不進甘貧守節始終如一

趙連茹妻呂氏性至孝善事翁姑夫病篤囑氏無他適氏泣曰君勿慮妾不負君及歿氏哭痛撫孤守貞姪清秀撫育成立鄉人賢之

趙敏秀妻王氏高城人事姑極孝夫歿氏勵志守貞閨範肅然子二長觀德增生次觀政附貢

王洪枝妻劉氏端莊賢淑于歸後生一子未週歲夫歿氏哀痛非常幾不欲生既念子在襁褓不忍絕夫之嗣遂勵志守貞撫子成立堅貞之操至死不渝

高文斌妻趙氏結褵未三載而夫卒氏乃屏除膏沐身勤織紉斷髮自誓撫子錦繡成立入邑庠壽八十餘歲苦節六十三

安澤縣志

卷十二 列女

節孝

十三

年

趙仁麟妻李氏夫歿家貧姑老且多疾氏勤紡績以奉甘旨苦節自守未嘗怨悔

張元妻王氏夫歿事舅姑以孝撫遺孤以慈守節三十八載柏舟自矢歷久彌堅

張清臣妻周氏夫歿子幼志甘澹泊屏去華麗斷髮毀容誓不他適苦節三十餘年

張和聲妻呂氏張家溝人年二十歲而夫卒氏脫簪珥謝鉛華茹苦含辛甘貧無怨無子以胞姪天一繼氏教誨入邑庠苦節二十餘年

張鳴鸞妻呂氏安民堡人年二十八歲夫故撫二子成立苦節二十四年卒年五十二歲

孟六德妻張氏年二十二歲夫故矢志撫孤誓不再醮苦節三十二年卒年五十有四

楊之屏妻張氏年一十九歲夫歿撫子成立苦節三十七年卒年五十有六

王三奇妻師氏年二十八歲夫故苦節四十二年卒年七十歲

王式玉妻賈氏年二十九歲夫故苦節三十四年卒年六十七歲

王問孔妻呂氏年二十九歲夫故苦節四十二年卒年七十有

安澤縣志

卷十二 列女

節孝

十四

一

王問賢妻衛氏年二十七歲夫故苦節四十七年卒年七十有

二歲

郭立秀妻李氏年二十九歲夫故苦節一十八年卒年四十有八歲

李馨妻郭氏年一十八歲夫故撫子鍾英成立苦節一十九年卒年三十有六

張克昌妻馬氏年二十九夫歿事翁姑以孝聞翁目失明氏進膳視寢出入扶持十餘年無少懈翁常語人曰吾家有孝婦真所謂艱難與共者也子煥然食餼先氏卒鄉里惜之

陳務志妻宋氏段家原人夫故矢志靡他奉翁姑極孝訓子嚴而有方持家勤慎雖鬚眉莫能及

胡思玉妻韓氏夫歿奉衰姑無少懈孤成立矢志不二

孟匡之妻李氏多穀人生子月餘夫卒冰蘖自勵勤勞紡績撫子成立

劉三勳妻張氏羅家山人夫歿二子俱幼氏紡績度日歷盡艱辛孀居四十餘年節操凜然

生員左天錫妻趙氏上治人孝謹性成事翁姑得歡心于歸後四年而夫歿氏晝夜號泣溢米不下咽者數日矢志守貞誓不再醮其伯叔天成聞之嘉其志以次子逢綸承繼焉光緒

安澤縣志

卷十二 列女

節孝

十五

年間綸分山東試用巡檢

李正芳妻賈氏矢志守貞撫孤遊庠閭里賢之

胡桂林妻邢氏守三從之義育孤子而兼課耕耘全四德之經奉孀姑而躬勤紡織淑德貞操洵閭內之有儀者也

宋麟午妻成氏本城人事舅姑克盡孝夫歿痛哭流泣數日不食家貧氏紡績度日勤儉自持撫育弱孤延師課讀同治十一年邑令勞文慶旌其門曰節孝可風

廩生張立政妻喬氏安民堡人仰事舅姑晨昏盡禮內助夫婿朝夕無違夫歿矢志守貞節不苟言笑里人賢之

庠生郭開運妻張氏邑之北關人孝事舅姑不敢少懈夫病朝

夕祈禱欲減已算以增夫壽夫歿日夜悲哀甘貧守節教四子俱成立遠近悉稱頌焉

監生喬履泰妻陳氏本城人事翁姑曲盡婦職夫歿哀毀絕粒矢志守貞無子祇一女零燈冷帳相對淒然二十年無易志焉

楊暹妻賀氏夫歿氏克勤克儉上奉萱堂下撫遺孤雖連遭大履不變其操

增生孟嶧峰妻王氏多穀人事翁姑盡婦職夫病侍湯藥無少懈比歿冰霜勵節誓不二天二十餘年未嘗出閨外

廩生宋楨妻王氏張家溝人年二十歲夫歿卒年五十八歲守

安澤縣志

卷十二 列女

節孝

十六

節三十六年

張維欽妻王氏二十六歲夫歿茹苦含辛堅貞自守卒年五十五歲守節二十四年

衛千總邢英之妾王氏五馬人年三十歲夫故甘旨奉嫡糟糠自饜卒年六十歲守節三十年

黨世輔妻李氏北平人年二十五歲夫歿奉姑匪懈教子有方卒年五十四歲守節二十九年

陳復陶妻馮氏年二十八歲夫故家極貧氏以織紝營生孝慈兼盡卒年七十五歲守節四十年

李寶綉妻張氏辛莊人年二十九歲夫故親老氏菽水承歡丸

熊教子撫育四子俱成立卒年五十八歲守節二十九年

李寶綬妻張氏辛莊人年二十歲夫故柏舟繼美晝荻流芳親戚鄉黨咸稱其賢卒年六十五歲守節四十五年

李寶燭妻栗氏辛莊人年二十歲夫故撫嗣子維勤成立卒年五十八歲守節三十八年

李正英妻呂氏年二十三歲夫故氏柏舟自矢撫子成立卒年四十八歲守節二十五年

任克敏城內人妻陰氏洪邑下魯村處士某女也年二十五歲克敏出外行賈遺子中興甫週歲一去無耗氏守志撫孤家屢空無衣食業因就母家食數十年不窺外戶及子長成遣

安澤縣志

卷十二 列女

節孝

十七

赴甘肅河南等省尋父往返數次迄無所獲及歸年愈老身益困母子相依窮苦不堪言狀光緒三年子病危氏由母家送歸岳道亡時氏守節已五十九年年八十四矣未幾卒心堅節苦邑人傷之

樊天有妻張氏年二十七歲夫故氏勵志撫孤堅貞不二卒年五十五歲守節二十八年

廩生宋貞之妻王氏住張家溝年二十一歲守節遺子之杭纔三歲氏秉性貞淑值家計艱難恆藉紡績以資撫養及子稍長復延師課讀督責甚嚴家事叢脞氏皆以一身摒擋之茹苦守貞以待子名成業立享壽六十六歲曾經學司給額旌

表論者謂晝荻丸熊有古之遺徽云

劉寅秀之妻吳氏住董必里二十四歲守節矢志靡他遺子寶
瑤時方九月氏撫孤有方常悲痛流涕以勸子之勤學家况
拮据從無怨言卒使其子得以成名嘗云婦人之道三從之
義當盡四德之原宜修聞者咸欽慕焉壽六十五歲而終
李福寶之妻張氏住崇信里夫歿時年二十八歲子三長者纔
十齡家赤貧無以謀生氏乃藉紡績度日惟勤惟儉茹苦含
辛數十年卒使三子皆得成立毅魄貞操詢足標名巾幗云
劉國英凌雲村人妻樊氏年二十九夫歿遺子甫週歲女四齡
家極貧氏茹苦含辛慇懃撫育俾子女均已成立里人賢之

安澤縣志

卷十二 列女

節孝

十八

張玉堂北關人妻衛氏十九歲歸張甫百日夫卒婦矢志守節
年四十三以憂死

孟麟瑞之妻喬氏住白素村年二十歲守節撫孤寶玉備嘗艱
苦無何寶玉中道夭謝遺孫文明氏復恩勤劬育教養兼施
使之成名壽至八十五歲守貞存孤保全兩世洵不愧爲巾
幗完人

劉步霄凌雲村人妻王氏年二十二夫歿遺子文端幼飲冰茹
蘖撫養成婚不數載文端中亡遺孫思先思祖氏與媳趙氏
兩世孀居誓同撫孤不幸時運乖違其媳又相繼逝氏境愈
困志愈堅日夜勤劬形影相弔撫兩孫俱成立今曾孫已在

抱矣氏年八十有二而卒身經四世艱苦備嘗里人頌之
監生趙觀成高城人妻呂氏事姑至孝年二十三夫卒僅遺一
女氏以姑老女幼弗忍分離甘貧苦誓不二天仰事俯蓄各
得其道女嫁後未幾亡氏痛女致病亦相繼逝年五十六此
孝慈兼盡而苦節尤著者

典史王之棟之繼室李氏住城內年二十七夫歿越二載子邦
俊亦相繼殂謝遺孫利賓年方穉孤兒寡夫煢煢無依氏晝
則經理家務夜則攜持保抱撫養童孫恩愈所出迨稍長復
延師課讀卒令青衿世澤不墜書香又爲之授家室謀生計
備極操勞年逾七旬猶復日夜不休未幾卒如氏者一世辛

安澤縣志

卷十二 列女

節孝

十九

苦貞節與賢德洵可並垂不朽云

五品銜李成蹊張莊人妻孟氏年二十八夫歿遺五子一女俱
幼家貧甚氏紡績度日晝夜操勞撫子女俱成立長居魁吏
員次得魁武庠生三居興四居槐五伍魁俱業農媳樊氏早
亡遺長孫炳蔚時纔六月亦蒙恩養成人曾孫光祖武庠生
又恩勤撫育賴以成立卒年七十七歲氏守節五十年身歷
四世備嘗艱辛是蓋女中之表表者

生員劉振玉妻解氏事舅姑孝居恆行潔言訥三從四德俱備
夫歿遺孤致中年幼十七歲入泮後食餼皆氏撫育培植之
功生平言笑不苟厭華飾苦節三十年常內言不出於閫克

盡婦道故鄉里以賢聞宣統己酉致中復登拔萃科邑人榮之

張立德妻孫氏北平人事翁姑以孝聞年二十五夫故子三歲常欲甘旨奉親因家貧紡績度日寒暑罔間母嘗曰一貧至此曷適他人女曰命也失節生不如全節死待子成立自無憂矣

任天霖秦川裡人妻杜氏夫故氏年二十二歲遺孤幼孝事翁姑菽水承歡盡溫清定省之禮因家貧爲人縫紉恆市甘旨以養親夏日驅蚊蠅不使入親室雅有子路負米黃香扇枕之風撫子祥邦成立壽享古稀

安澤縣志

卷十二 列女

節孝

二十

馮平章妻劉氏大峪莊人夫故年方十八子二歲薄田畝餘力耕之饗殮不給常尋菜根而食夜無被冬不縣者二十餘年恆代人任縫紉有勸其宜再醮者嘗曰婦人之義從一而終誓不再嫁苦節四十餘年鄉人奇之

武生芝里堰裡人妻劉氏夫歿姑老子幼爲家計故夏不避熱冬不畏寒種田自食其志氣有鬚眉所不及者心殫力瘁撫子成立其治家嚴明家人畏敬之雖飲水茹蘗二十餘年處之泰然

楊榮義之妻蓋氏二十歲孀居家甚貧朝不謀夕飢寒迫身親友恐其餓死勸令再醮女曰餓死事小失節事大若失節將

何顏以見先夫吾弗爲也卒撫遺子成立至今人稱頌之
李蔭蘭段峪村人妻馬氏二十一歲守節性情貞淑能安貧賤
孝事翁姑人無間言享壽六十九歲

喬逢春北關人妻趙氏二十四歲夫故又無子苦志守節操持
家政勤劬異常以憂卒

邢湯銘五馬村人妻師氏二十九歲守撫子成立子又死家益
落苦節自勵後以憂卒

張立琛五馬村人妻趙氏年三十歲夫死家貧撫孤守節四十
餘年壽至七十五歲而終

劉文正凌雲村人妻喬氏年二十八歲守節茹苦含辛卒年七

安澤縣志

卷十二 列女

節孝

二十一

十五歲

趙乘參妻張氏三十歲守節堅心苦志卒年七十餘歲

張清達城內人妻呂氏十七歲守節有遺腹子夢生盡心撫養
三十餘歲憂悶死

張紹聰城內人妻李氏二十四歲守節撫孤成室玉潔冰清悼
傷死

呂煥章並侯人妻樊氏二十七歲守節零丁孤苦撫子成立卒
年六十六歲

高金銘師家窳人妻田氏年二十九歲夫沒遺子甫週歲女二
俱幼家貧甚氏茹苦含辛晝夜操勞撫子俱成立享年七十

六歲

牛洪章妻陰氏年二十二歲夫沒家貧如洗撫孤守寡貞節自矢汲泉檢薪紡織育兒享年八十四歲一生辛苦里人稱之段興鄒之妻張氏夫沒誓不適撫遺孤辛苦備嘗清嘉慶八年勅旌節孝孺人享年八十八歲而卒

生員李念祖之妻張氏年十九夫棄世持柏舟節撫孤有方子長爲邑增廣生員有畫荻丸熊之遺風同治六年勅旌節孝孺人賜予匾額曰節凜冰霜享年七十二歲以終

劉三行羅家山人妻張氏年二十八歲夫沒遺二子俱幼家貧甚氏紡績度日晝夜不輟撫二子俱成立長長禮次長新爲

安澤縣志

卷十二 列女

節孝

二十一

母請旌入祠壽八十歲卒

楊永清妻李氏下庄村人年二七歲夫沒家貧親老幼子五歲氏忍苦耐勞勤儉持家仰事俯畜敝衣糠食縫紉紡績以度日翁姑卒遵禮葬之復望子成人送入鄉校讀書僉以賢孝兼全頌之七十有三壽終

閻中實妾張氏年二十九歲夫故卒年六十一歲守節三十二年

張成來之妻章氏唐城鎮人年二十六歲夫亡遺子甫週歲氏茹苦含辛撫孤成立卒以節終里人頌之

劉振家之妻田氏棗林村人年二十九歲夫故無子以甥承祧

氏愛如已出撫育成立茹苦含辛躬耕自度苦節二十餘年
卒年五十有五歲

武生李從先張庄人妻張氏年二十七夫亡矢志守節閨門肅
然清學使駱給匾松貞栢節卒年七十五歲

九品銜張毓珍五馬人繼妻劉氏年二十九歲夫歿遺子女各
二長子庚辛次庚申均撫育成立一世苦節鄉里稱之卒年
七十二歲

武生李正芳之妻趙氏年二十七夫歿苦志完貞撫孤成立卒
年五十有二歲

監生李正英之妻某氏年二十五夫歿誓不再醮撫子成立卒

安澤縣志

卷十二 列女

節孝

二十三

年五十有八歲

王福榮之妻楊氏年二十七夫故遺二子俱幼家貧氏甘窮守
節撫育勤劬

廩生賈逢康妻段氏

監生李登麟妻段氏

從九張進修妻段氏

生員張世熙妻鄧氏

生員劉大觀妻邸氏

武生孟兆熊妻李氏

李秋元妻申氏

劉秉堂妻李氏

邢長庚妻范氏

張汝梧妻王氏

孟麟角妻呂氏

段相元妻呂氏

劉爾瑜妻周氏

劉爾瑞妻李氏

高文彩妻趙氏

韓鳳麟妻宋氏

李榮之妻郭氏

安澤縣志

卷十二 列女

節孝

二十四

張清魁妻楊氏

賈堂龍妻孫氏

韓鍾奇妻梁氏

孔憲揚妻李氏

張延慶妻李氏

黨經典妻陰氏

宋寶璣妻張氏

宋寶捷妻韓氏

孔繼五妻陳氏

田復華妻牛氏

李爲棟妻趙氏

李念祖妻張氏

段以訓妻賈氏

段大貴妻郭氏

李寶福妻孟氏

吳自富妻孔氏

陳得志妻王氏

喬尚仁妻郭氏

張克文妻吳氏

趙自祥妻黨氏

安澤縣志

卷十二 列女

節孝

二十五

張連元妻范氏

李在位妻陳氏

段大名妻楊氏

呂鍾靈妻武氏

任秉彝妻賀氏

王居中妻汪氏

張學伋妻王氏

張書聲妻賈氏

段毓安妻張氏

段毓瑾妻李氏

左世芳妻李氏

楊魁元妻賈氏

邢萬泰妻張氏

張存興妻王氏

張廷棟妻張氏

張德臨妻楊氏

張存賢妻李氏

韓廷智妻劉氏

劉玉魁妻韓氏

任天霖妻劉氏

安澤縣志

卷十二 列女

節孝

二十六

王清祥妻衛氏

孟建熊妻黨氏

任相國妻黨氏

楊林喜妻張氏

張鎮邦妻秦氏

田德義妻李氏

王士燧妻常氏

王貢金妻常氏

常耀倫妻張氏

常敦倫妻史氏

常保衡妻趙氏

趙延年妻溫氏

范崢嶸妻王氏

李棲鶴母王氏

張百瑞妻高氏

張柬林妻薛氏

張田英妻李氏

張和士妻姚氏

張超士妻王氏

張鴻儀妻章氏

安澤縣志

卷十二 列女

節孝

二十七

張攀斗妻任氏

趙思明妻黃氏

張右銘妻武氏

張曰倉妻王氏

張曰珩妻黨氏

黨泰運妻王氏

孟履中妻范氏

孟兆庚妻白氏

以上諸節婦在昔重纂之時事蹟已經俱軼迄今補修之日
志行愈不足徵然而潛德幽光不可泯也夫暗中摸索既虞

實不相符而任意鋪張終覺詞多鮮當要其際遇攸殊操行各別或賦黃鵠於青年或守孤鸞於白首或孝事雙親惟冀竭誠謹慎或撫養孤子務求立德成名更有家貧如洗勤紡績而節凜冰霜事變非常歷險危而志堅鐵石他如投繯絕粒慷慨捐軀剪髮毀顏從容就義類皆有懷清履節之操洵足爲勵俗維風之化爰將姓氏悉著於右百世流芳千秋不朽云

李成林之母王氏二十八歲夫歿三子賴以成立卒年七十六歲

白如璋之妻薛氏二十九歲守節迄今四十年節壽兼全里人

安澤縣志

卷十二 列女

節孝

二十八

頌之

段恆富之母崔氏慈善爲懷睦隣和戚鄉人稱贊享年七十三歲

梁文明之妻薛氏二十五歲守節松筠毫無間言享年六十三歲

張景雲之妻李氏二十五歲喪夫撫育子女紡績不輟享年六十三歲

李鍾靈之妻黨氏二十歲夫歿上孝翁姑下慈幼子又賑救災民全活無數縣長張獎給貞節可風匾額以旌賢節云

段長壽之妻陳氏年十八夫歿無出惟前房遺有一子氏矢志

守節紡績撫孤歷四十年母慈子孝不知其爲繼母享年五十八歲

黨立基之妻常氏二十七歲失偶甘心守節矢志撫孤享年七十四歲

黨立品之妻秦氏二十八歲夫故勤儉持家撫孤成立享年七十四歲

黨輔世之妻李氏二十六歲夫卒柏舟守志義方教子公請旌表貞節流芳

楊永清妻李氏下庄村人時年二十七歲夫歿家貧親老幼子五歲氏忍苦耐勞勤儉持家仰事俯畜敝衣粗糠縫紉紡織

安澤縣志

卷十二 列女

節孝

二十九

以度日望子成人送入鄉校讀書僉以賢孝兼全頌之年七十有三壽終

監生田來祥槐樹村人妻孟氏年二十一歲夫逝世遺孤僅週歲氏撫孤守節志堅金石家務紛紜操作有方後子歿遺媳一孫二長名培潤次名培霖功全一家德兼兩世縣長張公旌其門曰節比松筠以資旌表

貢生田清俊槐樹村人妻黃氏不幸夫歿姑孟氏年愈古稀氏晨昏定省色養備至歷四十餘年始終弗懈遠近皆稱爲孝婦兼以持家有道訓子有方所謂巾幗丈夫氏足以當之而無愧云

增生李臨福張莊人妻石氏年二十七夫歿翁姑年高子女皆幼氏柏舟自矢孝事雙親慈撫諸孤爲家計日夜紡績備歷艱辛今諸子皆成立長次俱務農三鴻慈大學畢業任泉峯鐵路局總務處處長四鴻祥中學校畢業任本縣勸學員鄉里胥稱頌焉

都司孫淦元之妻楊氏出浮邑巨族年十七歸孫氏援例封恭人氏幽閒貞靜有敬姜遺風家本素封不以裝飾自好性沉靜馭下寬嚴適中內外無間言年二十有五夫逝世遺幼子燿祖方五歲恭人一意教子矢志不二貞操潔行足不踰閭撫養教導諸子暨兩孫俱成立現年九十有二耳目聰明精

安澤縣志

卷十二 列女

節孝

三十

神暢旺孫夢周夢熊等以爲耄耋再慶而恭人猶以婦道自範人鮮覲其面教孫曾輩勉以孝悌力學不外義方之訓雅有丸熊之誼年高德邵享此期頤人咸以爲德致孝感云
張茂德之妻常氏二十四歲守節零丁孤苦子女皆無數十年艱辛備嘗而操持彌堅現年九十歲猶康健不衰亦女中之錚錚者

靳栗氏農人守成之母也守節七十餘年茹苦含辛撫養子女成立現年八十八歲節壽雙全子孫賢孝奉養不匱現猶精神強健云

節烈

明

孟鳴陽母王氏年二十一歲守節撫孤紡績度日崇禎五年山中爲賊所獲持刀相逼氏罵不絕口而死

范志科妻王氏年二十四歲生子甫三齡崇禎五年山中爲賊所獲持刀相逼氏抱子投崖而死

范志大妻周氏山中爲賊所獲投崖未死復經於樹

黨應亨妻賀氏年二十五歲夫亡遺子玉國氏撫孤孝親歷二十載堅貞之操始終如一後爲流寇所執罵賊死

清

安澤縣志

卷十二 列女

節烈

三十一

張廷槐妻段氏有烈性土惡李存信窺其艷強姦不從刎剄死

乾隆六年五月奉旨旌表嘉慶四年知縣王莘槐表其墓曰
段烈婦之墓

范清揚妻賈氏夫抱疾奉湯藥朝夕不怠踰年夫亡氏誓以身
殉泣涕絕粒者數日其母勸之曰我年老汝又乏兄弟汝欲
殉夫獨不爲我計乎氏曰事難兩全有兒姊奉母餘年兒無
憾矣家人強之食不食尋死里人嘉之欲上聞未果

上治左逢容妻趙氏住城內增生趙觀德女也賦性貞潔素秉
家教頗以禮節自持自歸左姓曲盡婦道撫兄子女如已出
鄰里咸稱其賢里中惡少窺其艷嘗夤夜踰垣入以指彈扉

語多押褻氏正言叱之且曰汝人頭而畜鳴吾弗爲也始逡
巡去次夜復來逼愈甚氏恐爲強暴所污立服阿芙蓉自盡
時當盛夏炎熱如焚以母家窶遠停柩十餘日而蠅蛆不生
衆歎詫驚異及蓋棺啟視之死屍不腐面目如生且異香噴
溢云噫臨難苟免鬚眉且然而香閨弱質卒能捐軀以殉節
嗚呼烈矣

楊景南坡村人妻趙氏拔貢趙重章姊也性剛烈好勝其志氣
雖鬚眉莫能及幼與諸姊妹學鍼黹恒以不若人爲恥甚則
裂其所刺之繡而投諸火焉年十八歸楊氏夫庸劣不務正
日與村中諸無賴游專事飲博氏婉言苦勸弗悛氏思若所

安澤縣志

卷十二 列女

節烈

三十一

爲如此終無結果不如早爲之所遂仰藥死年二十聞者莫
不嘆惜其夫竟以無賴終詩曰旣明且哲以保其身其氏之
謂乎洵足以維世勵俗矣

從九李德福張莊村人妻賈氏從九賈廣清第五女也年二十
四夫以乏嗣赴青龍山進香暴疾卒氏聞訃即仰藥不死又
絕粒五日仍不死晝夜號哭誓以身殉其族人許爲立嗣承
祧以夫身後事勸始稍進飲食厥後里黨中有聞其賢欲娶
者使人微以意風示之氏即尋自裁其烈性如此現年五十
七歲猶稱未亡人冰清玉操閨門肅然如氏者雖殉夫未果
而其志可嘉節烈雙著洵足勵俗維風云

明

貞烈

范蘭香和川鎮陽和府教授范星鼎之妹也年十四歲有姿色
崇禎五年寇亂度不能免遂投繯

安澤縣志

卷十二 列女

貞烈

三十三

賢淑

周

冀缺妻與其夫隱居冀氏山中缺耕於野氏饁之相敬如賓人稱其賢今冀氏里卽其食邑也

明

通城縣知縣趙廷儼妻范氏少貧氏執巾櫛克盡婦道相夫以明經官湖廣通城知縣有政聲生子沛氏義方嚴訓出官鄧州知州例封太安人享年七十餘歲蓋女德之表表者

趙瀛妻劉氏性好善見餓者濟之貧者周之家故單寒氏日夜紡績漸致豐裕生二子知義方長汝璽官江南望江縣知縣

安澤縣志

卷十二 列女

賢淑

三十四

次汝斌官寧晉縣知縣升河南開封府同知

張登第妻趙氏淑慎而賢克相中饋邑令屢旌其門子朝儀順

治十三年拔貢

監生張惕妻齊氏幽閒貞靜不苟言笑及笄適張氏溫恭淑慎克執婦道姑性嚴厲氏先意承志未嘗稍忤相夫子敬戒無違撫子女五人皆成立子二長維道國學生次絜道食餼釵荆裙布淡泊自甘儉德洵足風世

張名海妻王氏孝子張福康之母也年十七歸張氏賢孝之聲聞於閭里夫患骹疾氏晝夜扶事十餘年無少懈子二長福康國學生有孝行次居敬諸生

汾州府寧鄉縣訓導趙廣揚之筮室閻氏孝義縣人年十五歸趙氏性淑慎寡言笑奉嫡和順有禮子女輩稍有忤不與校夫病侍側數年無少懈夫歿晝夜悲泣積痛成疾竟以是歿年一十八歲里人哀之

賈兆祥妻趙氏幼讀書克嫻閨訓于歸後孝事翁姑和睦妯娌佐夫讀書朝夕不倦中年夫患癱氏侍疾數十年從無愠色怨聲晝夜泣瀟願以身代夫因病廢喪葬婚嫁氏身任之夫歿子女賴以成立家道亦臻小康賢孝慈惠氏其有焉卒年七十九歲

從九李寶慎妻孫氏溫恭淑慎無愆禮度孝事翁姑和處妯娌

安澤縣志

卷十二 列女

賢淑

三十五

內外均無間言姑歿遺二子一女俱幼氏撫養教誨儼如慈母鄉里咸稱其賢

訓導孫志祖之妻陳氏名門閨秀幼嫻母訓十歲失恃事繼母以孝聞定省之餘日與嫂劉氏習學女工姑嫂和睦人賢之年十九歸孫氏夫性嚴厲氏承以柔順從未敢稍忤處妯娌能含容能吃虧以故人尤稱賢同治六年匪亂入境舉家竄逃氏隨行時值冬夜野色黑暗誤蹈懸崖幸數尺下有一綫荒徑墜臥其上闊僅容身下視溝底深不可測懼極不敢少動又幸崖邊叢棘徧布約體如欄雖被棘刺弗覺苦定移時始攀藤附葛而上家人前行未之知因急趨相隨告以故衆

大駭視之僅傷手腕等處餘無恙人咸謂天道福善冥冥中自有護持子女衆多日夜操勞一生辛苦備嘗而性好儉約恒自菲衣薄食未嘗一日作安舒想氏生名門適右族而能勤儉持家足資後人衿式矣卒年八十三歲

奎文閣典籍王靈沼之妻任氏城內鄉飲介賓任克俊女生長名門幼嫻閨訓年十七歸王氏爲繼室甫入門卽值小姑出閣盡脫簪珥衣飾妝奩遣嫁荆釵布衣孝事翁姑修行婦道有桓少君遺風前室遺女纔六月氏朝夕喂哺劬勞過於所生未經乳食竟鞠養成人夫年三十四體弱多疾幾不保氏扶持調護飲食必精寒暑必謹享壽七十一歲而終皆氏力

安澤縣志

卷十二 列女

賢淑

三十六

也夫晚年寢疾患便結氏探污取糞日數作不以爲穢性慈善調恤貧苦視人猶已至於喪葬婚嫁濟人之急慷慨無少吝雖屬女流洞明大義生平深自斂抑檢身若不及語人惟恐傷德行賢淑鄉邦稱之衆口一辭焉子二長之濬歲貢生五品銜委用訓導次之哲恩貢生同知銜河南補用直隸州州判孫六人皆仕進有聲以子貴誥封宜人民國三年四月蒙

大總統題褒孝闕增光建坊立碑焉是年八月卒春秋七十有八若氏者令德善行人言無間洵不愧爲閨闈完人焉趙重道之妻張氏洪邑上峪村千總銜張文光之長女幼嫻閨

訓事姑至孝姑病親侍湯藥衣不解帶者百餘日及姑歿慟哭流泣寢食俱廢鄉人交相稱曰孝婦也

張維英五馬村人清增生妻李氏性慈善賢孝善事舅姑和睦親鄰家素裕凡村中有借貸者不計償還無一次令其空回生二子俱早殤復勸夫娶妾及過門慇懃調護時常令其夫妾同宿以冀產生麟兒以延宗祀淑德懿行不可枚舉以虛弱盜汗卒戚里族黨靡不痛惜歿後其內戚輓以聯曰自尊嫂云亡每當鄰里斷炊遺愛直傳千古德與內兄相見若問家庭瑣事阿遲應慰九泉心

期壽
附

楊張氏八十七歲

王張氏八十七歲

董楊氏八十七歲

劉王氏八十五歲

劉薛氏八十五歲

安澤縣志

卷十二 列女

期壽

三十八